

鐵嶺縣志

卷二

鐵嶺縣志卷二

地理

鐵嶺地當東北彈丸一邑南界瀋陽扼省垣之門戶北界開原當邊塞之要衝自唐虞以迄明清率多淪陷異族漢唐之世武功所及征服其地雖嘗列版圖備邊有將守土有官不過羈縻而已其政令未必完全施行也未幾又復淪落明設衛清設縣其時人煙寥落土地荒蕪觀遼金史地理志所載每一路所領戶僅數千口僅數萬當時人口之稀少可知迨有清中葉始由內地招徠墾民闢土地設市廛而戶口始漸稠密城邑逐漸繁興故此地之居民除最少數旗籍外強半係直魯晉三省之祖籍而土著絕少自昔至今其間建置經營因革損益形勝之扼

要山水之變遷疆域之廣狹土地之肥磽氣候之寒溫居民之稀密以
及官廳之改革政教之設施無不因時而異因地不同均有歷史存焉
志卽史也縣之有志猶國之有史也茲將地理一門析爲若干目列於

卷首志地理

地理

縣志卷二

鐵嶺縣志卷二

地理

建置沿革

本境地處遼東僻居一隅周以前幾同徼外秦漢以來始列版圖迨晉以還又復淪陷唐太宗東征後復歸化內設置戍障禦邊陲遼金元明屢有沿革明洪武移衛於此始有鐵嶺之名清康熙三年廢衛置縣始又有鐵嶺縣之名乾隆四十六年移建鐵嶺城於衛城之迤東即今之治城也茲歷述其歷代沿革如下

唐

屬靑州北域

虞

屬營州北域史稱舜分天下爲十二州其地當屬營州北域書

傳舜分青州東北曰營州以醫巫閭山爲鎮山方輿紀要云營州即

今廣寧以東地州當營室之分故曰營州

廣寧今名北鎮

夏 仍屬青州北域書禹貢分天下爲九州省幽并營三州是本境

仍屬青州北域

商 攷盛京通志夏商仍唐舊制

周 屬肅慎氏地武王克商肅慎氏貢楛矢石弩長尺有咫

秦 屬遼東郡北部史記秦伐燕燕王喜走保遼東遼東之名自此

始始皇旣滅燕遣蒙恬擊走東胡以其地爲遼東遼西二郡以遼水

爲界本境當屬遼東北部

漢 挹婁國地又按盛京通志漢置咸州屬樂浪郡

三國魏 屬遼東郡北部又屬樂浪郡三國志公孫度據遼東司馬懿克公孫淵置平州尋置東夷校尉治分遼東昌黎玄菟帶方樂浪五郡本境當屬樂浪郡

晉 屬遼東郡因三國制而未改按一統志初爲慕容廆所據後燕時地入高勾麗

南北朝 按晉書高勾麗略有遼東歷宋齊梁陳未入中國版圖
隋 屬越喜國地

唐 富州渤海大氏取越喜地改富州玄宗開元初以大祚榮爲渤海王此地名富州屬懷遠府天寶中置安東都護府治營平二州之間仍名富州

五代

高麗銅山縣遼史地理志咸州安東軍下節度本高麗銅山縣地渤海置銅山郡地在漢候城縣北渤海龍泉府南地多山險寇盜以爲淵藪乃招平營等州客戶數百建城居之初號和掄台布原作浩里大保城開泰八年置州兵事屬北女真兵馬司統縣一

宋

當北宋之世本境爲遼所據南宋又陷於金爲中國統馭所不及無建置即無沿革之可考下文所考之沿革皆遼金之沿革也

按宋雖未能統一寰區而遼金亦皆割據一隅志者因仿史例以宋冠其統系而分志遼金之沿革

以下遼之沿革

遼時爲銀州富國軍遼太祖以銀冶更名領延津新興永平三縣屬東

京道又興州中興軍雙州保安軍貴德州寧遠軍貴德縣俱屬東京路又置咸州亦在本境遼史地理志咸州安永軍本高麗銅山縣地詳見下文凡咸州興州貴德州雙城縣信州皆在本境分述如下

咸州 在鐵嶺境北遼史地理志初號浩里大保城開泰八年置州治咸平縣又按元一統志銅山郡故城在咸平府南約即明之鐵嶺衛舊城也在今鐵嶺縣城之迤西詳見城池門秦築要塞以限要荒漢唐置都督府負山阻河控制東土又按許亢宗奉使行程錄云自銀州三十里至咸州又四十里至開原以道里及形勢攷之當即今之平頂堡村其城之遺址猶有可攷者焉

興州 遼史地理志興州中興軍渤海置州治常安縣金改爲挹婁

縣屬瀋州按盛京通志在鐵嶺南六十里懿路當即古挹婁之訛音
現在其地城牆城門昭昭可証又有天齊廟城隍廟村東有地名演
武比試約即古之演武場也古時或爲挹婁國或爲挹婁縣皆其地
也

貴德州

按盛京通志遼時貴德州在鐵嶺東南在瀋陽東北九十

里遼史地理志貴德州寧遠軍本漢襄平地漢爲公孫度所據太宗
以所俘漢民置之聖宗建貴德軍又置貴德縣爲州治金廢軍存州
治縣元一統志貴德州今廢爲巡檢司公孫廢城在貴德州漢末公
孫度爲遼東太守治襄平傳子至孫據有其地遺趾尙存又大保城
亦在貴德州又金史地理志貴德縣倚有范河以道里計之似即今

之城南三十里大汎河村今其村中古城之遺蹟甚多其地距瀋陽九十里

雙城縣

在鐵嶺西遼史地理志雙州保安軍本漢挹婁故地渤海置安定軍久廢烏魯斯王從太宗南征以所俘鎮定二州之民建城置州治雙城縣全遼志雙城縣在銀州西六十里即今遼河西六十里古城子村猶有城址可尋考鐵嶺實爲挹婁國故地今挹婁城在其南境雙城在其西知亦挹婁故地也

信州

按盛京通志信州在鐵嶺縣東北界遼史地理志本越喜故地渤海置懷遠府治懷福縣聖宗開泰七年以地鄰高麗置信州彰聖軍又改置武昌縣爲州治金爲信州彰信軍元時州縣俱廢元一

統志信州在黃龍府西治武昌縣金皇統三年置按信州自是古越喜地在今開原縣南按遼史地理志東京道東京遼陽府北至挹婁縣范河二百七十里挹婁即今之鐵嶺南六十里懿路村遼時東京道遼陽府所轄境界僅及范河而止鐵嶺全境不盡屬焉

以下金時之沿革

金時爲新興縣金史地理志皇統三年廢州省延津永平二縣入新興徙新興治故富州隸咸平府又初爲咸州路天德二年陞爲咸平府領縣八平郭銅山新興慶雲清安歸仁玉山悉隸焉仍置咸平府初隸開原路後隸遼東又大定二十九年改爲挹婁縣屬瀋州又挹婁縣雙城縣俱屬瀋州章宗時廢雙城縣按咸平府即咸州當即今之鐵嶺

北平頂堡村也

金史地理志咸平府下總管府安東節度使本高麗銅山縣地遼爲咸州國初爲咸州路置都統司天德二年八月升爲咸平府後爲總管府置遼東路轉運司東京咸平路提刑司戶五萬六千四百四縣八與上文同

金史地理志瀋州昭德軍刺史中本遼定理府地遼太宗時置軍曰興遼後爲昭德軍置節度明昌四年改爲刺史與通貴德澄三州皆隸東京戶三萬六千八百九十二縣五樂郊章義遼濱挹婁雙城

金史地理志貴德刺史下遼貴德州寧遠軍國初廢州降爲刺郡戶二萬八千九十六縣二貴德奉集

按以上所考金時之銅山縣新興縣挹婁縣雙城縣貴德縣皆在本境分述如下

銅山縣 金史地理志遼同州鎮安軍本漢襄平縣遼太祖時以東平寨置因名東平軍曰鎮東章宗大定二十九年以與東平重故更名銅山南有范河北有柴河西有遼河

新興縣 金史地理志遼銀州富國軍本渤海富州熙宗皇統三年更名來屬南有范河北有柴河西有遼河

挹婁縣 金史地理志遼舊興州興中軍常安縣遼常置定理府刺史於此本挹婁故地也大定二十九年章宗更名挹婁有范河清河國名奎必喇原作叩隈必喇

雙城縣

金史地理志遼雙州保安軍也皇統三年降爲縣章宗時

廢

貴德縣

金史地理志貴德倚有汎河

以上所考金時之銅山新興二縣約即今之鐵嶺縣城也係在今之縣境何地已詳上文不贅錄

按遼金時之建置甚密間二三十里或三四十里即設一州縣其轄境極狹觀遼金史地理志所載每一路領戶不過數千口不過數萬本境幅員三四百里而境內竟設有四五州縣之多可知當時管轄區域之隘矣

元

按盛京通志元仍置咸平府初隸開元路後隸遼東

元史地理志遼陽路上唐以前爲高句麗及渤海大氏所有梁貞明
中安巴堅以遼陽故城爲東平郡後唐升爲南京石晉改爲東京金
置遼陽府領遼陽野鶴二縣後復改爲東京宜風澄蓋瀋貴德州廣
寧府來遠軍並屬焉元初廢貴德澄復州來遠軍以廣寧府博索府
懿州蓋州作四路直隸省至元六年置東京總管府降廣寧爲散府
隸之十五年割廣寧仍自行路事直隸省十七年又以博索府懿州
蓋州來屬二十四年始立行省二十五年改東京爲遼陽路後廢博
索府爲巡檢司戶三千七百八口萬三千二百三十一領縣一

元史地理志懿州初爲懿州路至元六年爲東京支郡所領豪州及同
昌靈山二縣省入順安縣入本州

按以上所考元時懿州即今縣南六十里之懿路村也隸遼陽路其餘所謂貴德州來索或改或廢其地皆在本境

明 鐵嶺衛廢咸平府洪武二十一年置鐵嶺衛於此按盛京通志

鐵嶺衛古有鐵嶺城在衛治東南五百里地接高麗洪武二十一年置衛於此二十六年徙懿州仍名鐵嶺衛領中左千戶所屬遼東都指揮司按遼志無懿州當即銀州又攷遼陽縣志疆域門云南至一百三十里生鐵嶺岫巖界以里數計之相差不遠所謂鐵嶺或即遼陽南之生鐵嶺移此因之而得名耶又攷舊志蓋平縣北五十里有鐵嶺古城其里數頗屬相符或即蓋平之鐵嶺移此而仍其名耶究之鐵嶺者係遼陽之鐵嶺抑係蓋平之鐵嶺未知孰是然以古城及

道里証之終以蓋平之鐵嶺爲近是又明史兵事志遼東都指揮司
統衛二十其第六衛曰鐵嶺

縣南三十里大汎河村明正統四年修范河城置中左千戶所又考村
中上帝廟碑載建豎汎城雙塔記文云汎城創始於正統己未歲弘治
己酉冬遼東都司都指揮同知鄭公欽依上命守備汎城云云按此當
正統迨弘治間守其地者則有都指揮同知惟其城或係衛城殆不可
考

又汎河重修立帝廟碑記碑末大明隆慶元年姑始月朔日欽依備禦
都閫李廣指揮劉漢臣立

又汎河重修關帝廟碑記萬歷四十二年歲次甲寅三月戊辰上浣之